



COMUNE DE PÀDRIA

DELIBERATZIONE DE SU CONSÌGIU COMUNALE N. 2 DE SU 08/02/2021

OGETU: CUMPAGNIA BARRANTZELLARE. NÒMINA CAPITANU E TENENTES PRO SU TRIÈNNIU 2021/2023.

S'annu duamìgia e bintiunu sa die oto de su mese de Freàrgiu a sas oras 17:30, ÀULA DE SU CONSÌGIU, a pustis de avisu de cunvocatzione regulare, chi cuntenit puru s'elencu de sos afares de trattare, notificadu a sos Consigeris in càrriga de su Comune, publicadu in s'Albu Pretòriu de su Comune matessi in sos tèrmines de lege, s'est reunidu in sessione ordinària de prima cunvocatzione, su Consìgiu Comunale, de su cale a s'apellu resurtant:

SAMBENADU E NÙMENE	PRESENTE
DOT. MURA ALESSANDRO	EMMO
MARICA MATTEO SALVATORE	EMMO
CARBONI SALVATORINA	--
DETTORI GIUSEPPA ANGELA	EMMO
PIRAS ANGELO	EMMO
CONTU DANILO	EMMO
DOMINICI SANTO	--
LAMPIS GIOVANNI MARIA	EMMO
CIARDIELLO PAOLO	EMMO
SALE ANTONIO	EMMO
ROSSI EMANUELA	EMMO

Presentes n° 9 Ausentes n° 2

Partètzipat su SEGRETÀRIU COMUNALE DOT. PULEDDA ANTONINO, chi provedit a sa redatzione de su verbale presente.

Essende legale su nùmeru de sos interbènnidos, su SÌNDIGU DOT. MURA ALESSANDRO, in sa calidade sua de Presidente, leat sa presidèntzia e decarat aberta sa setziada pro sa trattazione de s'ogetu marcadu subra.

SU CONSÌGIU COMUNALE

BIDU s'argumentu de su cale in su puntu 2 de s'Òrdine de sa Die;

PREMÌTIDU chi sa Regione Sardigna, cun Lege n. 25 de su 15 de trìulas de su 1988, at emìtidu dispositziones ispetzìficas in tema de “Organizatzione e funtzionamentu de sas Cumpagnias Barrantzellares”;

TORRADA A CRAMARE sa deliberatzione de su Consìgiu Comunale n. 27 de su 08/07/1989, esecutiva e vistada dae s'òrganu de controllu in data 11.08.1989 cun provedimentu n. 1181/2, cun sa cale est istadu aprovalu su Regulamentu pro su funtzionamentu de sa Cumpagnia Barrantzellare, in su tempus in fatu modificadu cun atu de su consìgiu n. 21 de su 14.06.2001;

ISPETZIFICADU chi, in s'Istatutu de sa Cumpagnia Barrantzellare (de sighidu puru Cumpagnia) de su Comune de Pàdria, est prevìdidu cantu sighit:

- in s'art. 5: sa durada in càrriga de sa Cumpagnia est de tres annos; issa si intendet rinnovada a manera no espressada pro su triènniu imbeniente si, a su nessi ses meses prima de s'iscadèntzia, non benit dada disdeta e benit assumida una deliberatzione diversa dae parte de su Consìgiu Comunale;
- in s'art. 6: su Capitanu siat numenadu dae su Consìgiu Comunale, cun sas modalidades segundu s'art. 12 de sa prefata L.R. Sardigna n. 25/1988;

AMMENTADU chi, cun deliberatzione de su Consìgiu Comunale n. 46 de su 18/12/2017, sunt istados numenados su capitanu e sos tenentes de sa Cumpagnia Barrantzellare pro su triènniu 2018/2020;

ISPETZIFICADU chi in data 05/01/2021, est istadu achisidu a su protocollu de custu ente, su verbale n. 56, chi pertocat sas assembleas de sa Cumpagnia Barrantzellare fatas in sas datas 18/12/2020, 23/12/2020 e 26/12/2020, cun sos cales sunt istados indicados sos nominativos, de sutapònnere a su votu de su Consìgiu Comunale, cales candidados a su gradu de Capitanu pro su triènniu 2021/2023, in sas pessones de sos seg.: Pani Luigi nàschidu in S'Alighera su 02/08/1976 e Chelo Pietro nàschidu in Pàdria su 08/12/1953;

LEADU ATU in prus chi in sas assembleas subra mentovadas sunt istados numenados in calidade de Tenentes de sa Cumpagnia locale, pro su triènniu 2021/2023, sos seg. Sias Giovanni nàschidu in Pàdria su 03/11/1953 e Marica Antonio nàschidu in Tàtari su 08/10/1985;

ACLARADU chi sa Cumpagnia Barrantzellare resurtat a su presente cumposta dae n. 19 cumponentes e, pro cussu, non benit propassadu su nùmeru màssimu paris a 50 prevìdidu dae s'art. 4 de s' regulamentu subratzitudu pro su funtzionamentu suo;

ATESU chi s'art. 12, comma 7, de sa L.R. Sardigna 25/1988 tzitada gasi istabilit: “In su casu chi sa cumpagnia bèngiat torra cunfirmada pro su triènniu imbeniente segundu sas modalidades istabilidas in s'artìculu 9 pretzedente, su consìgiu comunale at a dèvere providire a designare su capitanu nou subra de sa base de tres nùmenes propostos dae s'assemblea de sos barrantzellos a iscrutìniu segretu”;

APRETZIADU de dèvere providire, a tèrmines de s'art. 12, comma 7, de sa prefata L.R. n. 25/1988, a sa nòmina de su Capitanu nou subra de sa base de sas designatziones indicadas perbènnidas dae sa Cumpagnia locale;

RECONNÒSCHIDA sa competèntzia pròpia sende gasi sas dispositziones normativas, istatutàrias e regulamentares in vigèntzia;

RECONNÒSCHIDU su sensu e sa doverosidade de protzèdere, in sintonia cun sa proposta avantzada dae s'istruccura tècnica, pro sas finalidades in ogetu;

ACHISIDU subra de sa proposta de deliberatzione su parre favorèvole de su Responsàbile de su Servìtziu Tènicu, in cunforma a s'art. 49, comma 1, de su D. Lgs. 267/2000 e mm.ii.ii.;

DADU ATU chi, subra de sa proposta matessi:

- no est netzessàriu su parre de regularidade contàbile, in cunforma a s'art. 49, comma 1 de su Dlgs n. 267/2000 e mm.ii.ii., in cantu priva de riflessos deretos o inderetos subra de sa situatzione econòmicu- finantziària o subra de su patrimoniu de s'ente;

- est istadu proadu, cun èsitu favorèvole, su controllu in su matessi tempus de regularidade amministrativa a incuru de su Segretàriu Comunale;

INTESU s'interventu de su Sìndigu su cale dat letura de sos contenutos essenziali de sa proposta e de sos presupostos subra de sa cale sa matessi si fundat;

RIFERIDU chi

- su Segretàriu Comunale at provididu a sa letura de su verbale n. 56, subra tzitadu, de sa Cumpagnia Barrantzellare;

- sunt istadas distribuidas a sos Seg. Consigeris n. 9 ischedas, a manera preventiva vidimadas dae su Segretàriu Comunale, pro sa votatzione subra de sa nòmina de su Capitanu;

- sunt numenados dae su Sìndigu n. 2 iscrutadores: seg. Consigeris: Rossi e Piras;

Acabadu s'ispògliu e s'scrutiniu de sos votos, cun s'assistèntzia costante de su Segretàriu Su Presidente, Presentes: 9; Ischedas distribuidas 9; Votantes; 9; Ischedas bàlidas: 9; biancas: n. 0; nullas: 0;

Seg. Pani Luigi: voti 9;

Resurtat pro cussu elèghidu capitanu de sa Cumpagnia Barrantzellare su Seg. Pani Luigi; subra de sa base de sos èsitos de votu evidentziados subra

cun votos de acordu esprimidos pro arziada de manu

DELÌBERAT

DE FÀGHERE PRÒPIAS sas premissas narrativas e motivatzionales chi si intendent inoghe torradas a cramare e traspostas a manera integrale;

DE NUMENARE, pro s'efetu, in cunforma a s'art. 12, comma 7, L.R. de sa Sardigna n. 25/1988, subra de sa base de sas designatziones perbènnidas a manera regolare, cale Capitanu de sa Cumpagnia Barrantzellare locale, pro su triènniu 2021/2023, su seg. Pani Luigi nàschidu in S'Alighera su 02/08/1976;

DE LEARE ATU chi sa Cumpagnia Barrantzellare de Pàdria, est a su presente cumposta dae n. 19 cumponentes, comente resurtat dae s'elencu allegadu a s'atu presente de sos cales n. 2 Tenentes, in sas pessones de sos seg. Sias Giovanni nàschidu in Pàdria su 03/11/1953 e Marica Antonio nàschidu in Tàtari su 08/10/1985;

DE INCARRIGARE su Responsàbile de s'Àrea Tècnica in òrdine a sa trasmissione de còpia de su provedimentu presente a sa Prefetura de Tàtari pro sos atos de cumpetèntzia pròpia;

DE DECLARARE, in fines, cun separada e in su matessi tempus de acordu, votatzione su provedimentu presente esecutàbile a manera immediata in cunforma a s'art. 134, comma 4, de su D. Lgs. n. 267/2000 e mm.ii.ii., pro s'urgèntzia de assicurare su perfetzionamentu de sas finalidades suas.

PARRE DE REGULARIDADE TÈCNICA

In cunforma a s'art. 49 c.1 de su T.U.E.L. su Dirigente/P.O. **PINNA ANDREA** in data **08/02/2021** at esprimidu parre **FAVORÈVOLE**

Su SÌNDIGU
DOT. MURA ALESSANDRO

Su SEGRETÀRIU COMUNALE
DOT. PULEDDA ANTONINO

NOTA DE PUBLICATZIONE N. 118

In cunforma a s'art. 124 de su T.Ù. 267/2000 su Responsàbile de sa Publicatzione **SEGRETÀRIU COMUNALE DOT. PULEDDA ANTONINO** atestat chi in data 09/02/2021 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispistziones de lege in vigèntzia.

Tradutzione de s'operadora de s'isportellu linguìsticu de Pàdria
Maria Leonarda Correddu

Copia digitale di documento informatico firmato e prodotto ai sensi del D.Lgs 82/2005 e rispettive norme collegate